



UNIVERSITÄTS-  
BIBLIOTHEK  
PADERBORN

## **Opvs Theologicvm**

**Mauro, Silvestro**

**MDCLXXXVII**

Q. 128. De præcipuis figuris eucharistiæ.

---

[urn:nbn:de:hbz:466:1-84149](https://nbn-resolving.org/urn:nbn:de:hbz:466:1-84149)

QVAESTIO CXXIX.

*Quanam sint constitutiva intrinseca eucharistia.*

1. **A**D sacramentum eucharistiaë confi-  
ciendum, & ad conferendam gra-  
tiam, quæ est præcipuus effectus sacramenti,  
quinque præcipuè concurrunt, verba nimi-  
rum consecrationis, vt forma; substantia,  
panis, & vini, vt materia transiens, & remota;  
accidentia panis, & vini, vt materia perma-  
nens, & proxima; corpus, & sanguis Christi,  
quæ manent sub accidentibus, seu speciebus  
panis, & vini; & vsus, seu sumptio ipsius eu-  
charistiaë. Certum est eucharistiam non co-  
stitui intrinsecè ex substantia panis, & vini,  
quæ est materia transiens, & remota eucharis-  
tiaë. Ratio est, quia quod fit ex aliquo, tam-  
quam ex materia transeunte, ac desinente,  
non componitur intrinsecè ex illo: ex. gr.  
quia ignis fit ex lignis, tamquam ex materia  
transeunte, ac desinente, non componitur in-  
trinsecè ex lignis; sed eucharistia fit ex sub-  
stantia panis, ac vini, tamquam ex materia  
transeunte, ac desinente; ergo eucharistia non  
componitur intrinsecè ex substantia panis,  
ac vini. Dubitatur, vtrum, & quo pacto con-  
stituatur intrinsecè ex alijs quatuor?

2. Quæritur igitur primo, vtrum Chri-  
stus sit totum sacramentum eucharistiaë, ac  
proindè eucharistia non constituitur intrinse-  
cè ex alijs tribus?

Respondeo, quod vt referunt Sotus in  
4. dist. 8. quæst. vnica, art. 1. & Suarius disp.  
42. sect. 1. Vvaldensis tom. 2. de sacramentis,  
cap. 21. videtur docuisse, quod licet alia sa-  
cramenta non sint ipsa gratia inuisibilis, sed  
sint signum visibile gratiaë inuisibilis, tamen  
totum sacramentum eucharistiaë est ipse  
Christus, qui est gratia substantialis inuisibi-  
lis significata per species eucharisticas, & per  
verba consecrationis, tamquam per signum  
visibile, ac proindè sacramentum eucharistiaë  
non constituitur intrinsecè ex speciebus, &  
ex verbis consecrationis. Vasquez tamen  
disp. 167. cap. 2. vindicat Vvaldensem ab hoc  
errore.

3. Dicendum cum omnibus theologis  
contrà opinionem relatam: Christus non est  
totum sacramentum eucharistiaë. Probatur.  
Nam de ratione sacramenti adæquatè sumpti  
est, vt sit signum per se sensibile, & vt in ra-  
tione sacramenti constituatur per aliquid  
immediatè cadens sub sensum, ideoque sa-  
cramentum definitur *signum sensibile*; sed Chri-  
stus vt existens in eucharistia non est per se  
sensibilis; ergo sacramentum eucharistiaë  
adæquatè sumptum non est solus Christus,  
sed intrinsecè constituitur etiam per aliquid  
immediatè sensibile.

4. Quæritur secundo, vtrum sola verba  
consecrationis sint totum sacramentum eu-  
charistiaë.

Re.

homine vocetur, ab aliquibus patribus, tamen  
ab eo abstinendum monet Claudius Sanctes  
in 6. Repetitione de eucharistia, quia eo hæ-  
retici malitiosè vtuntur. Videri potest Vas-  
quez in commentario art. 4. quæst. 73.

QVAESTIO CXXVIII.

*De præcipuis figuris eucharistiaë.*

S. Thomas quæst. 73. art. 6.

1. **I**N veteri testamento præcipua figura  
eucharistiaë, in quantum est sacramen-  
tum tantum, fuit oblatio Melchisedech. Ra-  
tio est, quia in eucharistia sacramentum  
tantum est panis, & vinum; sed Melchisedech  
obtulit panem, & vinum, vt dicitur Gen. 14.  
ergo. Ideo Psal. 131. Christus dicitur *Sacerdos*  
*in æternum secundum ordinem Melchisedech*. Præ-  
cipua figura eucharistiaë, in quantum est res, &  
sacramentum, fuerunt omnia sacrificia vete-  
ris testamenti, ac præcipuè sacrificium expia-  
tionis, quod erat maximè solemne. Ratio  
est, quia res, & sacramentum est Christus per  
passionem, & mortem immolatus patri, &  
sic ingressus in sancta sanctorum, hoc est in  
supremum cælum; sed per sacrificium expia-  
tionis summus sacerdos semel in anno intra-  
bat in sancta sanctorum, vt dicitur ad Heb. 9.  
ergo. Præcipua figura gratiaë, quæ est res sa-  
cramenti, & effectus eucharistiaë, fuit manna.  
Ratio est, quia vt dicitur sap. 16. manna ha-  
bebat omnis saporis suauitatem, sicut gratia,  
quoad omnia reficit mentem. Ideo sicut He-  
braeus post transitum maris rubri, qui fuit figu-  
ra baptismi, iuxta illud Pauli 1. ad Corint. 10.  
*Omnes baptizati sunt in nube, & in mari*, datum  
fuit manna, sic christianis post baptismum  
datur eucharistia. Demum agnus paschalis  
fuit præcipua figura eucharistiaë quoad om-  
nia hæc tria. Ratio est, quia agnus paschalis  
in quantum comedebatur cum panibus azy-  
mis, iuxta illud Exodi 12. *Edent carnes, &*  
*azymos panes*, figurabat eucharistiam, in quan-  
tum continet species panis, & vini, quæ sunt  
sacramentum tantum. Ipse agnus, qui im-  
molabatur à tota multitudine filiorum  
Israel decima quarta lunæ, figurauit Chri-  
stum, qui est res, & sacramentum, & dicitur  
agnus propter innocentiam, & à tota multi-  
tudine Iudæorum traditus est ad mortem, &  
immolatus circa decimam quartam lunæ.  
Demum liberatio filiorum Israel, qui per  
sanguinem agni liberati sunt ab angelo per-  
cussore, & educti ab ægyptiaca seruitute, fuit  
figura effectus primarij eucharistiaë, qui est  
res tantum, nimirum gratiaë liberantis à ser-  
uitute demonis, & à morte æterna. Videri  
potest Suarius in commentario huius art. 6.  
quæst. 73.